



Concello de Lugo

**CONVENIO DE COLABORACIÓN ENTRE O EXCMO. CONCELLO DE LUGO E O CLUB DEPORTIVO FREE DOJO CO OBXECTO DE COLABORAR NOS GASTOS DERIVADOS POLA CELEBRACIÓN DO “DOJO ARENA FERIA NACIONAL DE CONTACTO Y ARTES MARCIALES” 22, 23 e 24 DE NOVIEMBRE.**

En Lugo, data e sinatura dixital

**REUNIDOS**

Dunha banda **D. Jorge Bustos Atanasio**, actuando en nome e representación do Concello de Lugo, con enderezo en Lugo, Praza Maior, nº 1 e CIF P2702800J, en virtude da súa condición de Concelleiro Delegado de Xuventude e Deportes (Área de Cohesión e Dinamización Social).

E doutra banda **D. Alfredo Christian Mosteirín Tuñas**, con NIF 33348462A, actuando en nome e representación do Club Deportivo Free Dojo, con NIF G67878165, na súa calidade de Representante.

As partes comparecentes recoñécense mutuamente a capacidade xurídica e de representación necesaria para obrigarse nos termos do presente convenio, e a tal efecto

**EXPOÑEN**

**PRIMEIRO.-**

Que o Concello de Lugo ten entre as súas competencias impulsar o deporte e os valores que este transmite, así como a promoción do municipio de Lugo e a súa dinamización na cidade. Conforme ao artigo 50.1 da Lei 40/2015, do réxime xurídico do sector público (LRXSP), as Administracións Públicas, os seus organismos autónomos e entidades de dereito público vinculados ou dependentes e as universidades públicas, no ámbito das súas competencias, poderán subscribir convenios con suxeitos de dereito público e privado.

O “**DOJO ARENA FERIA NACIONAL DE CONTACTO Y ARTES MARCIALES**” é un evento que se vai desenvolver no Pazo de Feiras e Congresos de Lugo.

O evento conta principalmente coa participación de destacados deportistas e clubs deportivos das artes marciais. Durante os tres días se levarán a cabo actividades deportivas e de ocio nas que contará con stands de marcas especializadas, seminarios, exhibicións, conferencias, foodtrucks, concertos musicais, monólogos, deejays, área Vip, velada de Boxeo e campionato de España de Kickboxing.



## **SEGUNDO.-**

Que o Concello de Lugo, en exercicio das súas competencias ten vontade de promover este convenio en virtude do establecido na Lei 7/1985, de 2 de abril, de bases do réxime local, artigo 25.1: “O Municipio, para a xestión dos seus intereses e no ámbito das súas competencias, pode promover actividades e prestar os servizos públicos que contribúan a satisfacer as necesidades e aspiracións da comunidade veciñal nos termos previstos neste artigo”.

Así mesmo, o apartado 2 de este mesmo artigo establece que “O Municipio exercerá en todo caso como competencias propias, nos termos da lexislación do Estado e das Comunidades Autónomas, nas seguintes materias: (...) I) Promoción do deporte e instalacións deportivas e de ocupación do tempo libre (...)”.

## **TERCEIRO.-**

Que ambas as partes coinciden na necesidade de axuntar esforzos para a consecución dos seus respectivos obxectivos e intereses comúns e que, por conseguinte, cren conveniente, por medio deste documento, establecer a coordinación e colaboración respecto ao evento **“DOJO ARENA FERIA NACIONAL DE CONTACTO Y ARTES MARCIALES”**.

Por todo o exposto ambas as dúas partes acordan asinar o presente convenio de colaboración en base as seguintes:

## **CLÁUSULAS**

### **PRIMEIRA.- OBXECTO**

O obxecto de este convenio é a colaboración entre o Excmo. Concello de Lugo e o Club Deportivo Free Dojo para a celebración do evento **“DOJO ARENA FERIA NACIONAL DE CONTACTO Y ARTES MARCIALES”**.

A organización do devandito evento, de carácter autonómico, corresponde en exclusividade a o Club Deportivo Free Dojo, sendo titular a todos os efectos da organización para organizar o **“DOJO ARENA FERIA NACIONAL DE CONTACTO Y ARTES MARCIALES”**.

A data prevista para a súa realización é os días 22, 23 e 24 de novembro de 2024. A importancia do evento nestas disciplinas deportivas, fai que a promoción deportiva do mesmo garantice unha ampla asistencia de público en xeral.

Todo o evento deportivo estará suxeito ao regulamento técnico do mesmo e supletoriamente polos regulamentos superiores.



Concello de Lugo

O Concello de Lugo intégrase como colaborador do devandito evento para unha mellora na eficiencia da xestión pública e a oferta deportiva municipal, polo impulso do deporte e os valores que este transmite, perseguindo un fin común de interese

Durante os tres días participarán no evento diferentes profesionais e loitadores/as MMA, campións do mundo de BJJ e MMA, campións de europa de boxeo, campións de España de boxeo, integrantes do equipo nacional de boxeo, adestradores profesionais de Boxeo, campións do mundo de Muay Thai, campións do mundo de Kickboxing, camiións paraolímpicos, periodistas e comentaristas deportivos nacionais.

Os participantes estarán cubertos por un seguro de responsabilidade civil e individual de accidentes.

Todo o evento deportivo estará suxeito ao regulamento técnico do mesmo.

## **SEGUNDA.- ACTUACIÓNS A REALIZAR POR CADA UNHA DAS PARTES ASINANTES DO CONVENIO.**

**2.1.- O Club Deportivo Free Dojo comprométese, como organizador do “DOJO ARENA FERIA NACIONAL DE CONTACTO Y ARTES MARCIALES”** atender, en xeral, todas as necesidades para o desenrolo do evento nos días anteriores, durante o mesmo e relacionadas coa finalización do mesmo.

O Club Deportivo Free Dojo comprométese así mesmo en que a colaboración do Concello de Lugo constará de forma expresa, pública e permanente na organización do evento, e co logotipo do Concello de Lugo na publicidade do evento, estática, dixital e calquera outra.

**2.2.- O Concello de Lugo, como colaborador do “DOJO ARENA FERIA NACIONAL DE CONTACTO Y ARTES MARCIALES”,** comprométese a:

A colaboración do Concello de Lugo co evento faixe en condicións de igualdade.

O Concello de Lugo farase cargo da contratación de diferentes servizos do evento por importe de 8.470,00 €.

## **TERCEIRA.- OBRIGAS E COMPROMISOS ECONÓMICOS**

Non existe contraprestación económica entre as partes asinantes do convenio.

As partes asinantes comprométense a financiar os gastos asumidos durante a vixencia do convenio.

## **CUARTA.- ORZAMENTO E FINANCIAMENTO**



O orzamento estimativo do “DOJO ARENA FERIA NACIONAL DE CONTACTO Y ARTES MARCIALES” de **69.173,90€**, desglosado nas seguintes partidas:

CATEGORIA	GASTO	IVE	TOTAL
ALUGUER PAZO DE FERIAS E CONGRESOS	2.000,00 €	420,00 €	2.420,00 €
AMBULANCIA	2.500,00 €	525,00 €	3.025,00 €
MEDALLAS E TROFEOS	1.500,00 €	315,00 €	1.815,00 €
BANCADAS	5.000,00 €	1.050,00 €	6.050,00 €
CADEIRAS (1.200)	2.000,00 €	420,00 €	2.420,00 €
RING	2.000,00 €	420,00 €	2.420,00 €
SEGURO RC.	380,00 €	80,00 €	459,80 €
SEGURO DEPORTISTAS	2.000,00 €	420,00 €	2.420,00 €
RETRANSMISION DIRECTO	2.550,00 €	535,50 €	3.085,50 €
SON E LUCES	2.500,00 €	525,00 €	3.025,00 €
VELADA DE BOXEO	3.000,00 €	630,00 €	3.630,00 €
VELADA DE KICKBOXING	3.000,00 €	630,00 €	3.630,00 €
ENTRADAS 500	77,52 €	16,27€	93,79
ENTRADAS 1.000	109,00 €	22,89€	131,89 €
PULSEIRAS 8.300	252,00 €	52,92€	304,92 €
LANDYARDS	220,00 €	46,20€	266,20 €
RIFAS 2.000	500,00 €	105,00€	605,00 €
TATAMI (7X7X4-196M2)	5.000,00 €	1.050,00€	6.050,00 €
STANDS 15(4X2)	3.780,00 €	793,80	4.573,80 €
CESAR ALONSO	500,00 €	105,00€	605,00 €
PEPO SUEVOS	600,00 €	126,00 €	726,00 €
LESOUL	400,00 €	84,00 €	484,00 €
JAZZ	300,00 €	63,00 €	363,00 €
FOTOGRAFÍA	500,00 €	105,00 €	605,00 €
HOTELES	3.000,00 €	630,00 €	3.630,00 €
DESPRAZAMENTOS	3.000,00 €	630,00 €	3.630,00 €
MOQUETA(500 M2)	2.500,00 €	525,00 €	3.025,00 €
LIMPEZA DO EVENTO	600,00 €	126,00 €	726,00 €
LONA PRENSA 400X200	300,00 €	63,00 €	363,00 €
LONAS PUBLICIDADE	1.200,00 €	252,00 €	1.452,00 €
PUBLICIDADE REDES	500,00 €	105,00 €	605,00 €
ILUMINACIÓN PERÍMETRO	2.000,00 €	420,00 €	2.420,00 €
WALKIES	300,00 €	63,00 €	363,00 €
CAMISETAS	2.000,00 €	420,00 €	2.420,00 €
POSTERS A3 100	250,00 €	52,50	302,50 €
LONAS INSTITUCIONAIS	500,00 €	105,00 €	605,00 €
GASTOS VARIOS	350,00 €	73,50€	423,50 €
<b>TOTAIS</b>	<b>57.168,52 €</b>	<b>12.005,58</b>	<b>69.173,90</b>

NOTA en relación as obrigas do Concello de Lugo:

- As obrigas recollidas na seguinte taboao serán tramitadas a través da plataforma de licitación de contratos menores do Concello de Lugo, con cargo á aplicación orzamentaria 34100.22609 do vixente Orzamento Xeral.

CONCEPTO	GASTO	IVE	TOTAL
BANCADAS	5.000,00 €	1.050,00 €	6.050,00 €
CADEIRAS (1.200)	2.000,00 €	420,00 €	2.420,00 €
<b>TOTAL</b>			<b>8.470,00€</b>



- As obrigas do Concello de Lugo na seguinte taboa non precisan de nova consignación orzamentaria ao ser asumidas con cargo ao CONTRATO DE **SUBMINISTRACIÓN DE MEDALLAS E TROFEOS PARA A CONCELLERÍA DE DEPORTES DO CONCELLO DE LUGO**, adxudicado á mercantil ARTESANOS DEL CRISTAL, S.L.

CONCEPTO	GASTO	IVE	TOTAL
MEDALLAS E TROFEOS	1.500,00 €	315,00 €	1.815,00 €
TOTAL			1.815,00 €

Non se realizará contraprestación económica directa algunha entre as partes asinantes.

#### **QUINTA.- XUSTIFICACIÓN E PAGAMENTO**

Non hai contraprestación económica entre as partes asinantes do convenio.

#### **SEXTA.- DURACIÓN**

Dado que o alcance do presente convenio é en exclusiva a realización do “**DOJO ARENA FERIA NACIONAL DE CONTACTO Y ARTES MARCIALES**” o convenio e pagos a realizar xtinguirase tras a clausura do evento acto, sen prexuízo dos prazos posteriores nos que se deba facer balance do evento, ou aquelas outras cuestións que pola súa natureza requiran un prazo superior.

#### **SÉTIMA.- MODIFICACIÓN**

A modificación deste convenio poderá realizarse por mutuo acordo das partes, acreditando a concorrencia de interese común, e co límite substantivo de non alterar as condicións esenciais do documento inicial, e sempre e cando dito convenio este vixente, ter en conta que o alcance do presente convenio é a realización do “**DOJO ARENA FERIA NACIONAL DE CONTACTO Y ARTES MARCIALES**”.

#### **OITAVA.- EXTINCIÓN E EFECTOS**

O convenio extinguirase polo cumprimento das actuacións que constitúen o obxecto ou por incorrer en causas de resolución.



Son causas de resolución as sinaladas expresamente no artigo 51.2 da LRXSP e pola entrada en vigor de disposicións legais ou regulamentarias que determinen a súa extinción.

O cumprimento e a resolución do convenio dará lugar á liquidación dos mesmos, co obxecto de determinar as obrigas e compromisos de cada unha das partes, tendo en conta o disposto no artigo 52.2 da LRXSP.

### **NOVENA.- COMISIÓN DE SEGUIMIENTO**

Tendo en conta o establecido no artigo 49.f da LRXSP, para o bo desenvolvemento das actividades obxecto deste convenio, seguimento, vixilancia e control establecerase unha Comisión Mixta, de composición paritaria, integrada por dous representantes de cada unha das entidades que resolverá os problemas de interpretación e cumprimento que poidan xurdir respecto deste. Ostentará a Presidencia da comisión de seguimento o responsable/persoal adscrito á Área de Deportes.

Os membros da Comisión poderán delegar a súa representación e voto noutra persoa da súa mesma organización.

A Comisión de seguimento reunirse con unha periodicidade mínima que garanta o seguimento e a correcta execución deste convenio, poderá reunirse a proposta de calquera das partes, realizándose convocatoria da reunión con 24 horas de antelación.

O seu funcionamento acomodarse ao disposto na LRXSP. Serán funcións desta Comisión de Seguimento as seguintes:

- Velar polo cumprimento deste convenio.
- Planificar, fomentar, supervisar e avaliar as accións e programas que se vaian emprender ao abeiro do presente convenio, establecendo un programa de seguimento dos traballos e das actuacións.
- Adoptar ou propoñer as medidas necesarias para garantir o exercicio coordinado das competencias de cada unha das partes.
- Enviar copias das actas das reunións destas comisións, así como do resto dos documentos que se emitan no desenvolvemento e execución deste convenio e que poidan ser requiridos polos Servizos de Control Interno municipais.
- Presentar unha memoria final da actuación na que se recollan as actividades realizadas, os medios humanos e materiais empregados, o orzamento definitivo e o balance de ingresos e gastos, ademais daqueles outros aspectos que se consideren salientables en relación á execución do convenio. Os datos resultantes desta memoria poderían dar lugar a unha reformulación das obrigas económicas asumidas polas partes asinantes.
- Resolver os problemas de interpretación que poidan xurdir.



Concello de Lugo

- En xeral, as que o artigo 49.f da LRXSP lle atribúe aos mecanismos de seguimento, vixilancia e control.
- O Concello de Lugo designará como responsable municipal da comisión de seguimento o funcionario Fernando Timiraos Carrasco.

As partes comprométense a resolver de xeito amigoso calquera desacordo que poida xurdir no desenvolvemento do presente convenio a través da Comisión de Seguimento constituída.

#### **DÉCIMA.- SISTEMAS DE COMUNICACIÓN, INFORMACIÓN E PUBLICIDADE**

Nos soportes, calquera que sexa o formato empregado (tradicional ou dixital) que aludan ou informen do investimento, actividade ou actuación, incorporaranse os “logotipos” institucionais do Concello de Lugo.

As entidades autorízanse reciprocamente, coa sinatura do presente convenio, para o tratamento necesario dos datos relevantes da axuda concedida e a comunicar e difundir polos medios ou canles que consideren axeitados, a actividade que é obxecto de este convenio.

#### **DÉCIMO PRIMEIRA.- CARÁCTER DO CONVENIO DE COLABORACIÓN**

Este convenio ten natureza administrativa e rexeráse pola Lei 7/85, de 2 de abril, reguladora das bases de réxime local, así como pola LRXSP e restantes disposicións de concordante e xeral aplicación, sendo competente para entender nos litixios que puidesen xurdir a xurisdicción contencioso-administrativa.

O presente convenio non lle é de aplicación a Lei de contratos do sector público á vista do disposto no artigo 6 da Lei 9/2017, de 8 de novembro, de contratos do sector público, pola que se traspón ao ordenamento xurídico español as directivas do Parlamento Europeo e do Consello 2014/23/UE e 2014/24/UE, de 26 de febreiro de 2014.

#### **DÉCIMO SEGUNDA.- PUBLICIDADE**

Realizar a oportuna publicación no rexistro de convenios, de conformidade co artigo 8.1.b) da Lei 19/2013, de 9 de decembro, de transparencia, acceso á información pública e bo goberno.



Concello de Lugo

O Cocelleiro de Xuventude e Deportes

JORGE  
BUSTOS  
ATANASIO -  
33537892M

Firmado digitalmente  
por JORGE BUSTOS  
ATANASIO -  
33537892M  
Fecha: 2024.11.22  
12:44:52 +01'00'

Asdo.: Don Jorge Bustos Atanasio

O representante de Free Dojo

Asdo.: Don Alfredo Christian Mosteirín Tuñas